

【公開組】

【亞軍】

〈耳聾〉李裕韜

大地聲沉杳鼠鴉，漸愁耳聾感年華。
憾違雞唱晨曦誤，幸遠蚊雷夜夢賒。
射影譏讒渾不擾，惱人叨絮莫相加。
無爭虛靜希夷境，休管蝸蟾世論譁。

【冠軍】

〈感詠台灣〉郭維華

蔣山紅焰石城殘，擊楫王師越險灘。
故國不隨滄海盡，旌旗猶展漢心丹。
筇沈苔堠餘空壘，舌逞閩腔諫議壇。
聞道薊門千羽舞，新亭承露列金盤。

【季軍】

〈納米樓〉杜文彬

樓奴斗室盈方寸，四壁圍牢做井蛙。
榻角晨炊宜賞味，窗台暮食可餐霞。
一生盼得容錐地，萬貫迎來納米家。
卻掃門前頻謝客，蝸居無處共烹茶。

【優異獎】

〈訪曲阜孔廟孔府〉施純志

殿自巍峨宅自華，莊嚴勝似帝王家。
名尊身後徒稱聖，命舛生前欲泛槎。
東土弘仁垂久遠，西潮傾國謗交加。
杏壇老檜先師植，歷劫新枝又發芽。

【優異獎】

〈過將竣工之沙中線宋皇臺站〉

黃山河

龍城三字石，鯉海幾重瀾。
鬧市忘情眾，騷人弔影單。
今逢新驛站，可接古臨安。
少帝魂知返，南薰肯早彈。

【優異獎】

〈六合彩〉王錦洪

彩球電動轉橫斜，尚記前身是字花。
孤注求財趨若鶩，萬人排隊聚如鴉。
渾忘知足安貧儉，只為貪多望富奢。
說道今朝懸巨獎，且看阿堵落誰家。

【優異獎】

〈遊天際100觀景台〉鄧德邦

豈獨鑪峰視野嘉，雄標另矗海之涯。
須臾人躡三千仞，駘蕩雲開百萬家。
帆影夕陽添浪漫，瑤光燈彩織繁華。
迴環眺覽詩懷豁，清坐悠然點奶茶。

【優異獎】

〈鬢髮〉潘少孟

推移歲月似急湍，初長鬢鬚萬里搏。
香稻須謀塵裏走，青絲漸變鏡中看。
多磨砥礪圓頭角，歷劫風霜上鬢端。
落帽未應成韻事，稀疏毛髮感微寒。

【特別獎】

〈秋思〉黃芳枚

涼意透窗紗，秋陽一抹斜。
年光催節序，形影寓天涯。
難繹心頭緒，經殘檻外花。
初寒來院落，人物減風華。

【特別獎】

〈初春小景〉陳慧聰

春臨綠滿山，細雨逐花繁。
曉霧藏深壑，輕風漾淺瀾。
孤帆隨遠浪，眾鳥落長灘。
放眼江天闊，懷寬任倚欄。

第二十九屆

全港詩詞

創作比賽

律詩

獲獎作品

*優異獎及特別獎排名按姓氏筆劃序

公共圖書館自一九九一年起舉辦「全港詩詞創作比賽」，單年比詩，雙年比詞，旨在提高市民之中國語文運用及韻文欣賞的能力。今年舉辦的「第二十九屆全港詩詞創作比賽」，已是第十五度的「律詩比賽」。評審委員有何文匯教授、陳志清教授、黃坤堯教授、鄧佩玲教授及劉衛林教授。

比賽分學生組及公開組，題材由參加者自定，五言或七言律詩不拘，用韻則限用「六麻」及「十四寒」二韻。是屆的參賽者非常踴躍，共收到千多份參賽作品。學生組參賽者來自各大專院校及高中學生；公開組參賽者則來自社會不同階層。是屆參賽者的作品水準甚高，評審委員經初選、複選，反覆討論，才能決定名次。為確保評選公正，整個評審過程均以糊名方式進行。評判團更約見了學生組入選參賽者，並請學生們即席對聯，才定出優勝作品。

【學生組】

【亞軍】

〈觀大坑舞火龍〉

鄧紫瑩 香港樹仁大學

大坑秋夜逐清寒，鬧市火龍閑裡看。
閃爍虬鱗埋霧影，翻騰塵世駕雲團。
逢辰遇節民間戲，響鼓鳴鑼月下盤。
盛世太平無疫鬼，何妨歡樂到更殘。

【冠軍】

〈清明過蔡子民先生墓〉

梁采珩 香港中文大學

春光欲暮泊天涯，青石碑前祭有花。
每引西潮通國故，更延名士聚京華。
勤工竟學心無倦，垂範終生俸未加。
至此高風誰繼得，城頭殘日噪昏鴉。

【季軍】

〈遣懷〉

伍展楓 香港中文大學

不寐臨窗望月斜，風迴樹杪影交加。
知音冷落頻憐別，過歲蹉跎復怨嗟。
執筆難抒千種意，清心怎賴半壺茶。
沉吟徹夜慚才薄，健美前人手八叉。

【優異獎】

〈山行〉

金沘朗 香港城市大學專上學院

金鐘翠木連山放，松裏時傳鳥語遐。
瀑練遠聲知水落，霞衣幽徑向空斜。
岩橋影見蒼苔砌，霧樹間分碧曉涯。
不似柳枝離我去，秋風如故踏飛花。

【優異獎】

〈颱風山竹襲港〉

李銘欣 香港恒生大學

年來港事亂如麻，山竹驚臨愁莫加。
暴雨狂風搖廣廈，零花飛葉入人家。
波瀾瀉地浸車庫，巨浪滔天捲杏花。
君看烏泥隨濁水，已無吠犬有鳴鴉。

【優異獎】

〈深秋客感〉

劉浚傑 香港中文大學

殘紅過了洗浮華，顛倒葵心葉蛻花。
多怪窮途長吠日，幾人逆旅識抽芽。
我能解語一回首，詩以燃犀雙照瑕。
深謝履綦春到處，中宵風露近誰家。

【優異獎】

〈潛龍〉

張麗容 香港中文大學

驟雨瀟瀟雲蔽日，狂風颯颯鳥驚寒。
轟雷撼壑千家恐，拔樹摧花百草殘。
臥伏藏龍游洞醒，騰飛剪浪破天鑽。
披荊莫問來時路，只管衝鋒猛虎巒。

【特別獎】

〈春日閑趣〉

梁嘉進 香港樹仁大學

新雷忽怒震眠蛙，霧雨柔風換綠芽。
野鴨相追沿水澗，游魚群出逐桃花。
焚香細讀淵明賦，濯鉢閑烹陸羽茶。
暫請春光同對飲，猶添逸趣最堪誇。

【優異獎】

〈詠狼〉

黎健圖 香港樹仁大學

絕嶺朝天嘯，風清露爪牙。
瓊樓皆爾物，青野是吾家。
骨傲心猶潔，星稀路亦遐。
隨身唯月夜，寂寞捲黃沙。